

晉州志

地 130.25  
132.1  
11-5

趙州界 達趙州大安鎮  
安家庄

晉州東至東鹿縣界三十五里至縣治六十里西至深澤縣界  
十里至縣治四十里南至寧晉縣界五里至縣治九十里北至無極縣  
界二十五里至縣治三十五里東南至東鹿縣界四十五里至縣  
治六十里西南至趙州界四十里至州治九十里東北至深澤縣  
界三十里至縣治四十里西北至無極縣界二十里至縣治  
三十五里州屬所轄共二百六十六村庄

晉州之河發原自山西太原府繁峙縣之戲  
山由代州崞縣忻州定襄縣五台縣臨  
入正定府之平山定縣正定縣等縣晉州  
借由晉州之官谷村入無極縣之佛堂村北

此條河治七年走改入境上流日葉城馮村  
宋經本境之北辛庄下流至東鹿百付村

同治十年由此沖入無極之佛堂村  
本境之股派即於淺處未斷



東

北

咸豐拾年知晉州事朱寶林補刊

欽定四庫全書

本衙藏板

晉志序

今夫彰往詔來蔚爲一方文  
獻而羗邑人物賴以不朽者  
其惟志乎蓋志與史同體國  
有史編年紀事千百世世教  
人心實式憑之羗邑有志亦

目序

方隅之史也凡山川人物土  
田貢賦以及風俗之淳漓禮  
教之修廢忠孝節義之潛德  
幽光無不畢具輶軒過而採  
風悉得囊函以獻以成一代  
之史志碩不綦重與但世以



代殊道因俗易幾缺既久文  
獻無徵武前徽而沉後鑑乃  
長吏之羞也章自浙衢謫任  
茲土甫下車首詢羈志知自  
明季萬一初年壽梓垂今百  
有餘歲典章文物大半湮沒

自序

二

卽欲勉圖纂輯補文獻之未  
備第自慙謏陋恐不足以成  
全書且簿書鞅掌軍需倥偬  
每有志而未逮一日忽奉

上檄纂志維茲盛舉實獲我心  
已乃謀請學子博謀諸寮佐謀

諸薦薦紳父老於博士弟子中  
延二三謀野之士相與參酌  
故乘采綴新聞分類標記比  
事屬辭人有可傳 嚴而勿  
濫事有足著 信而勿疑以  
之彰往以之詔來而晉之人

自序

與物洵可資以不朽矣俾後  
之觀者覽山川之險易土田  
之肥瘠賦役之重輕乃可得  
因革而修救考風俗之貞淫  
禮教之興廢與夫忠孝節義  
之潛德幽光乃有所感發而

興起且翰軒所至亦可上貢  
風謠彙爲

昭代信史章庶幾藉手以無負

茲土矣若謂以載籍爲重以  
儒術潤飾吏治此倪寬黃霸  
之長也則吾豈敢

目序

四

皆

康熙十四年乙卯夏日知晉  
州事前浙江衢州府同知  
推陞河南南歸德府知府古  
公郭建章題



晉州志後序

艷邑之有志猶國之有史家之有譜也志不綦重哉而無如守土者視爲迂而無當于治而賢士大夫又以爲泛而無切于已因循推委志幾廢矣則人物之賢否孰從而知山川之形勝孰從而考田賦之多寡風俗之淳漓孰從而徵實而取信焉晉之志自

後序

明萬曆以迄于今架閣不修幾百年所矣時移代易其間之可書可傳而湮沒無聞者不知其幾州守郭公自浙衢司馬陸歸德太守悞中文泐左遷晉陽甫下車卽以修志爲已任而維新庶政畏吏懷民蓋日執掌于吏事而不暇及未幾奉

憲檄纂修公乃與郡博士及一二三賢

豪長者亦酌考實而米輿論以緩新  
聞務使事可傳于後世文不謬于古  
人其難其慎蓋不敢以易心處之夫  
事在一時而關乎百世可慢然已  
耶則難之慎之誠是也久久乃編輯  
成帙于是人物之賢否可知山川之  
形勝可考而田賦之多寡風俗之淳  
漓有所徵信而取實矣晉人曰請付

後序

二

梨棗以彰信棄公曰否否軍需孔亟  
日事徵求余實未揣心研究曷上之  
郡伯然然後間剗劖氏焉

郡伯公日事在千秋不厭慎重曷再  
延名宿校訂公不以余爲不肖悞耳  
虛名走役相迂付以重在余蚊負是  
懼三四辭之不獲始受而讀之見其  
文彩陸離剪裁精妙即使游夏何由

仰贊然千慮必有一得管窺豈遂無  
見于是事之無裨于勸懲者去之人  
之有關於風化者益之稍爲點定遂  
成全書余于此不能無望于晉矣所  
望于晉之賢大夫者克已勤民以宣  
聖化所望于晉之士君子者勤學好問  
以繼儒宗所望于晉之氓庶者務農  
敦本安分守已以保身家庶幾志一

後序

三

修而風俗丕變仰慰

聖天子纂修至意匪然者徒摭拾遺事  
敷衍陳言以完修志之局非郡大夫  
所以命余之意抑非余敢蹈僭越不  
遜之心也爰爲叙以贅諸後

旨

康熙十四年秋孟之吉寓江南古梁  
州浣花後學張祖詠謹撰

晉州志序

夫志也者志也方志是事而已欲  
善之以有所取義作者之志也晉  
之事大者見於春秋暨歷代諸史  
學古者嘗聞其畧然其詳缺有間  
矣自魏邑各有專書而風土人物  
鉅細畢陳於是一方之文獻始具

晉州志序

一

蓋匪獨其事詳也卽義亦彰明較  
著焉晉故有志訖明萬年間嗣  
是垂及百載見聞散軼而紀述廢  
不講毋亦首事者難其人乎何大  
義之久湮也會五河思蓼郭公以  
良二千石來刺是邦三載化洽有  
頌襄城介者山陰庶者穀城魯山

明且惠者公退然不自滿也簿書  
暇留意典籍謂舊志殘缺宜補所  
未脩乃聘關子靖之網羅放失續  
輯成書余得徧觀焉其文簡而明  
其類嚴而悉庶幾郡無遺事歟公  
曰是不惟其事惟其義鼓子國舊  
矣自罷侯置守分領併隸不常所

晉州志序

二

治恒山上谷間境壤如錯絕長補  
短將百餘里何以按籍如指諸掌  
作圖經沿革疆域志疆理上應列  
宿星分昴畢地控燕趙擅勝畿輔  
問漳水之源環流東注接太行連  
瀛海匪徒鼓山聳翠之區區作星  
野形勝山川志水堅可渡而成於

詭箭鏘留營而近於幻紀信著節  
榮陽魏徵陪塋昭陵而墓於是乎  
存傳信傳疑當有辨者古稱慷慨  
悲歌今亦稍稍變易矣俗尚淳樸  
猶有先王遺民焉作古蹟丘隴風  
俗志金湯設險禦侮防患今自幸  
河沅南徙郊岡多壘然我已先事

晉州志序

三

而爲之脩官旣定宅嚮晉之陽中  
國授室禮義相先有社稷焉屹如  
其棲神所憑依功德不祧作城池  
公署學校壇祠志秀良登進表厥  
宅里遊曲城之市適鼓聚之野鳴  
鷄吠狗民物頗盛

國家王命四達晉雖僻壤承流載道

有比矧前後之彬彬耶明經見謂  
老成先正時乘驄馬貫八太學軍  
國賴之讀仰山之詩文采風流奚  
卽戎而噲伍斥爲三途並用視所  
樹立刀筆吏不可爲公卿然歟否  
歟作科第賓貢例監武胄吏胥志  
仕宦墜宰相進不由他途有志所

晉州志序

四

同文貞遇合匪關薦舉君臣一心  
用光唐籍夫生無益於時沒不俎  
豆其鄉非夫也晉魏以來率多顯  
者勲蹟爛如作仕籍宦業志王言  
寵賜渾渾噩噩典謨存焉惜魏收  
良史不得起北齊諸人一辯其穢  
臨平水汾陽之間豈無懷古而詠

行旅出途郵亭古渡必有過而問  
焉者作坊表市集村堡津梁志冀  
賦上錯人工修耳河伯不仁桑田  
變遷庶矣未富生聚耗焉無魚鹵  
孳牧羸蛤絲泉竹黍之饒歲耕所  
得竭蹶正供與繭絲盍保障哉作  
戶口田賦土產志維王議禮九州

晉州志序

五

攸同畿南咫尺不遠天威諸在聖  
賢之列爰暨明神祝史薦信無所  
爲禱作朝賀祀典志晉國仕國風  
沙邈矣自餘擅名概於吏體與民  
相見於公庭士相揖於黨序率屬  
分職建官惟脩作官察教職志文  
董科名事業隨之恒山靜軒兩雄

揚名勝於風雅者予作誥勅  
紀述題詠志製辭禱天誠孝之至  
廬墓封骨庸行而難趙毅闔門  
靖難忠臣孝子節婦烈女具焉君  
子識其大者以崇世教仗義居貞  
槩歸節取作孝行節義貞烈志古  
事荒畧斷自周始晉乘故國史無

宣尼之筆削經生置之魯昭而降  
更今千數百載聞所聞見所見忍  
委諸荒烟蔓草乎聖哲之變仙釋  
間出毀佛祠建靜輪其惑均焉三  
教來久存而不論作事紀道釋寺  
觀志凡十卷爲目四十條矣善是  
之具於人事益獨詳焉非徒以存

文獻而已屬之其人取義具在後  
之覽者神而明之此良司牧之志  
郡人士相與以有成者也於以紹  
往緒詔來茲與春秋古史相表裏  
意在斯乎是爲序

康熙十四年八月

日

賜進士出身詹事府正字郡人紀

晉州志序

七

洪撰

